



Purschida «BaKi» a Glion

Sonda ha lieu a Glion l'exposiziun per famiglias «BaKi» cun 70 expositurs da l'entira Svizra.

5



Chantun guarda pli precis sin ils cartels

Dacurt han represchentants dal chantun e da la regiun discutà davart las consequenzas dal cartel.

7

LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

Nova epoca a Falera?

La vischnaunca sto revaletar ses products turistics

DAD AUGUSTIN BEELI / ANR

■ **Ensemen cun Flem e Laax fuorma Falera ina destinaziun che seprofilescha adina puspei cun innovaziuns turisticas. Falera sto denton reponderar sia strategia. Ina da quella ha potenzial zuppau.** La vischnaunca da Falera ei en plirs risguards en ina situaziun da partenza. La gruppa Arena Alva SA sto remplazzar ils proxims onns la sutgera Falera-Curnius. *Reto Gurtner* ha lantschau ina discussiun sur lunder. Denter auter ha era il Parc La Mutta aunc enorm bia potenzial. En quei connex ha *Ignaz Cathomen* intimau da cuntinuar las excavaziuns sigl areal dalla Mutta. Ils 23 da fenadur 1943, paucs gis avon ch'il program lubiu da cavar dueva ir a fin, han ins anflau la renomada guva da Falera. Lu han ins serrau ils foss e mai pli aviert els. Finamira fuss ei stau da cuntinuar cun ina secunda etappa. Dapi lu ha il cantun mai pli fatg enzatgei a Falera. Ins aveva excavau ina surfatscha da sulettamein 60 m² ed igl ei da supponer ch'igl areal da 1500 m²



Falera vul revaletar siu potenzial. Ina part da quel ei davos la baselgia da sogn Rumetg.

FOTO A. BEELI

cuntegn aunc numerus misteris. Tenor igl iniziun dil Parc La Mutta e digl observatori Mirasteilas fuss ei – suenter 76 onns – definitivamein uras da cuntinuar

quella secunda etappa. Il Survetsch archeologic dil Grischun ha probabel buca daners ed era buca glied per in project sur pli liung temps. Sch'ei dess ina nova

excavaziun havess buca mo Falera l'attenziun naziunala ed internaziunala sur pli liung temps.

> PAGINA 3



Jon Pult, il «shooting star» da la ps grischuna ha ambiuziuns politicas pli grondas.

FOTO G. N. STGIER

Tut auter che per sasez

■ **(anr/gns) L'interess per il di da partida da la Partida socialdemocratica dal Grischun è stà fitg grond.** En tavla è stadad las nominaziuns dals candidats e da las candidatas per il cussegl naziunal. Cun grond applaus èn lura ils dus candidats *Jon Pult* e *Philipp Wilhelm* e las trais candidatas *Erika Canzenzli*, *Sandra Locher Ben-*

guerel e *Franziska Preisig* vegnids nominads per las tschernas federalas. A la testa da la glista stat cun Jon Pult il «shooting star» da la ps grischuna sco locomotiva che duai far bleras vuschs. Per sasez saja betg da defender il sez da cussegliera naziunala *Silva Semadeni*.

> PAGINA 2



Clau Scherrer an plagna concentraziun.

FOTO B. HOFER

Bler applaus per malancuneia

■ **(anr/gns) En concert da vaglia digl Ensemble Vocal Origen sot la direcziun da Clau Scherrer ainten la tor cotschna sen Gelgia.** Cun las cantadours e cun igls cantadours è igl dirigent laschea daventar igl concert en'aventura cantica tgi vess betg savia esser pi bela e singulara. Canto è la furmaziun las pi belas canzungs da malancuneia tgi dat an rumantsch e tgi èn er eidas fitg

a cor agl auditori incanto. Schi dat applaus per malancuneia è chegl bagn er ensatge exepziunal.

> PAGINA 2

Scuol ha festagià Hom Strom

■ **(anr/bcs) Minch'on la prüma sonda dal mais favrer vain construi giò'n Plaz a Scuol l'Hom Strom.** Da la partida sun ils scolars da tschinch- fin nouvavla classa cun lur magisters chi lian insemel il strom sejel intuorn üna latta da tanter ot e desch meters lunghezza.

Ils scolars plü pitschens mainan nanpro las monnas da strom, organischan la stüva da café e pulischan davoman la piazza. L'üsanza ha ün'età da var 2000 ons e s'ha mantgnüda fin ad hoz.

Ella vain observada da blers giasts ed indigens chi muossan lur interess per ün'üsanza locala.

> PAGINA 7

Tuts da buna luna

■ **(anr/gns) Bunamain l'entira prominenz grischuna è stada da la partida a la festa da giubileum 100 onns Hotelleriesuisse Grischun ch'ha gi lieu a Passugg.** Noss hotels sajan vairas instituziuns e la hotellaria en il Grischun haja ina gronda tradiziun ed istorgia. Da guardar saja lura er en il futur cun esser innovativ, s'adattar a la digitalisaziun e cunzunt cun tgirar anc dapli ils giasts. En il center da la festa èn betg stads ils affars statutarics, mabain il giubileum tschientaner. Cun chant, plets e teater è vegni fatg in viva sin la giubilara e tuts eran da buna luna.

> PAGINA 8



Sin ils proxims 100 onns da Hotelleriesuisse Grischun: Jürg Domenig, maingestiu da l'uniun, Ernst Wyrsch, president, Marcus Caduff, cusseglier guvernativ, ed Andreas Züllig, president Hotelleriesuisse (da san.).

FOTO G. N. STGIER

reclama



BAUMAG
Baumaschinen-Messe

7. – 10.2.2019
Messe Luzern

Do – So 9–17
baumaschinen-messe.ch

Servetsch d'abunents e da distribuziun: tel. 0844 226 226
mail: abo@somedia.ch



9 771424 749004



L'anteriura directura da San Murezzan Ariane Ehrat e Marc Tischhauser, il mainagestiu da Gastro Grischun.



Tranter ils giasts envidads: Urs Marti, president da la citad da Cuira, André Witschi, president da la Scuola d'hotels Losanna, ed Alois Vinzens, il CEO da la Banca chantunala (da san.).



Ils dus ospitants da la radunanza: Kurt Künzli, il president dals hoteliers da Cuira e cunturn, e Margrith Raschein, la presidenta communal da la vischnanca Curvalda.



Marcus Gschenda (a san.), mainafatschenta da Penticularas Grischun, e l'hotelier Jörg Degiacomi e vicepresidente da Hotelleriesuisse Grischun.



Diverti ils hoteliers ed ils blers giasts ha il Chor Incantanti.

FOTOS G. N. STGIER



Reto Gurtner (a san.) e Kurt Baumgartner han raquintà da lur success sco hoteliers e turistichers.

«Noss hotels san raquintar istorgias»

Hotelleriesuisse Grischun: Festa da giubileum

DA GION NUTEGN STGIER / ANR

■ En il center da la radunanza da delegads 2019 è stà il giubileum da 100 onns da l'uniun che reunisca ils hoteliers grischuns. Ils affars statutarics èn per ina giada stads secundars. Festivà è vegni cun blera prominenz, chant, teater e pleds. En rotscha è la prominenz grischuna vegnida a l'occurrenza da giubileum a la Scuola da turissem e hotellaria a Passugg. Bunamain tut la societad illustra da noss chantun era preschenta ed ha fatg in viva sin il giubileum tschientenar. La preschientscha dals represchentants e da las represchentantas da l'economia, dal turissem, da la politica e da la cultura ha testifitgà che la hotellaria è per il Grischun tuttina da gronda impurtanza.

Fatgs omnipreschents

En moda plain umor e tuttina cun ina tscherta seriusadad han Ernst Wyrsch, da preschent il pli aut hotelier grischun, e Jörg Domenig, il mainagestiu da l'uniun giubilara, manà la radunanza da delegads ch'è daventada ina cumbinaziun da pleds, chant e teater. Las forzas da damaun en la hotellaria han lura er contribuì bler a la festa da 100 onns Hotelleriesuisse Grischun. Intginas persunas han lura er gratulà a la giubilara, saja quai al lieu ubain en moda digitala. Tema central è però stà il giubileum da 100 onns e lura il futur da la hotellaria. La digitalisaziun, l'innovaziun, la flexibilitad e l'investiziun sajan per l'avegnir da la hotellaria fatgs omnipreschents, ha ditg Wyrsch.

Quai avain be nus

Tranter la blera prominenz envidada era er Andreas Züllig, il president da Hotelleriesuisse. El è sez er stà parsura dals ho-



Han represchentà Grischun Vacanzas: Martin Vincenz, il directur, ed il president Jörg Schmid (da san.).

teliers grischuns e dapi il 2014 è el al timun da l'associaziun da hoteliers svizra. Züllig ha discurrì d'in'auta qualidà da la hotellaria grischuna. Ils giasts sajan bler pli cuntents che quai ch'il maletg da la hotellaria haja en la publicità. Donn saja bain che gist las medias rapportian adina plitost negativ da la gastronomia ed hotallaria svizra, laudan persunter quella da l'Austria e dal Tirolo dal sid. Züllig, el ha ditg che blers da noss hotels sajan instituziuns, chasas cun ina gronda, interessanta e lunga istorgia. Istorgia n'haja la hotellaria en l'Austria ed er en il Tirolo dal sid nagina. En l'avegnir saja da raquintar anc dapli da quellas istorgias dals hotels, quai veglia il giast sentir e vesair adina dapli, ha punctuà il president da Hotelleriesuisse. Gist quellas istorgias sajan ina singularità ed existian per partgia 150 onns cun esser stads noss hoteliers da lez temps vairs pioniers. En gene-

ral era l'ambianza tar la festa da giubileum dals hoteliers grischuns fitg buna. Quai er cun l'uniun preschentar grazia a l'ensemble vocal Incantanti sut la direzziun da Christian Klucker in program lateral plain aventuras canticas e cabaretisticas. Da buna luna eran ils hoteliers da noss chantun er cun avair gi fin uss ina buna stagiun. Naiv saja avant maun, da far haja simplamain bell'aura, è vegni ditg. In hotelier da vaglia è Kurt Baumgartner, el che maina a Scuol intgins hotels e da preschent l'hotelier svizzer da l'onn. El ha ditg ch'ils emprims 15 dis dal favrer manchin in pau ils giasts. Suent per bunamain in mais saja lura propi stagiun auta. Pasca saja quest onn pulit tard e quai haja er in'influenza sin il temp da vacanzas. Tut en tut eran ils hoteliers però cuntents cun avair gi in bun onn da fatschenta cun 4,2% daplis giasts e var tschintg milliuns pernottaziuns.



Da la partida er la politica nazionala: Martin Candinas, cusseglier nazional, Magdalena Martullo, cussegliera nazionala, e Martin Schmid, cusseglier dals chantuns (da dretga).